

't Pöthuske

't Pöthuske boave bij de Krutsstjtroat
trots van Bèngelder en gen Roath
in de zieëvetieënde ieëw geboewd
ee sjoeën dörpsbeeld, erg vertroewd
sjteet mer doa, dènkts soms mit sjiëet
truk aan dae gowwe ouwe tied.

Doew koame de luuj 'dr aldaag heen
noew is 't doa dèkts gans alleen
dan goan weer heur gedachte
noa de luuj, diej soms doa wachde
diej vertèlde uuëver ouwesj en kinjer
euëver gow en sjlechte dinger

Altied woar doa nuujts te huure
uuëver familje of de buure
es dae pöt èns koosj kalle
zouw menigee de sjoeën oeëtvalle
de pöt woar doa om water te gaeve
aan de luuj vuuer ee gezondj laeve

Een vrow mit twieë tobbe aan 't juk
dat beeld zieën vieër neet mieë truk
't huuske sjteet nog doa, sjtevig en sjterk
rust noew oeët van al 't werk
loate vier hoape dat 't nog lang geneete maag
van ene sjoeëne ouwe daag

Bèngelder - Friën Theunissen